

etiam Athenæus : ea nunc creduntur exhausta. Ager, qui aliunde non occupatus omnis generis nutrit armen-  
 ta, quæ faciunt, ut Carnis, Lactis, Butyri, Casei, Lanæ, rerumque aliarum abundet copia. Franci omnes Gallias  
 pacifice obtinuerunt sub Rege Hlodoveo, qui primus omnium totius Galliæ Monarcha est factus, primusque  
 Christi nomen professus, ea, quibus in hodiernum usque diem Francorum Reges utuntur, Trium Liliorum in-  
 signia, cœlitus, ut volunt, accepta usurpavit. Regnasse post eum scribuntur successione nunc directâ, nunc col-  
 laterali, Childericus, Hlotarius I, Cherebertus, Childericus II, Hlotarius II, Dagobertus Magnus, Hlodoveus  
 II, Hlotarius III, Childericus III, Theodoricus I, Hlodoveus III, Childebertus II, Dagobertus II, Hlota-  
 rius IV, Chilpericus I, Theodoricus II, Chilpericus II. Hic anno Regni XI, Christi vero MCCCLII, auctoritate  
 & jussu Zachariæ Pontificis, cui Pipinus vituperabilem & probrosam Regis vitam, transmissis libello, depinxe-  
 rat, Regni jure privatus ad Monachatum est coactus. In locum ejus factus est accusator ipsius Pipinus Caroli  
 Martelli F. Pipini N. Brevis cognomine, ex Præfecto & Majore Dominus. Hunc sequuti commemorantur Ca-  
 rolus Magnus, Ludovicus Pius, Carolus Calvus, Ludovicus III Balbus, Ludovicus IV & Carolomannus, Ca-  
 rolus, Crassus, Odo, Carolus Simplex, Rudolphus Burgundio, Lotharius V, & Ludovicus V, ultimus ex Caroli  
 Magni posteritate: quo veneno necato, habenæ Regni translatae sunt ad Hugonem Capetum, primum Gallum,  
 Comitem Parisiensem, Ducemque Francorum & Burgundiæ titulo-tenus, Capeto successerunt Robertus Pius,  
 Henricus I, Philippus I, Ludovicus VI Crassus, Ludovicus VII Junior, Philippus II Adeodatus Augustus,  
 Ludovicus VIII, Divus Ludovicus IX, Philippus III, Philippus IV Pulcher, Ludovicus X Hurinus, Philippus  
 V longus, Carolus IV pulcher, cui sine prole mascula defuncto successus est Philippus VI Valesius, Caroli Vale-  
 siorum comitis I filius. Sequuti hunc Ioannes Valesius, Carolus V Sapiens, Carolus VI Bene-natus, Carolus  
 VII, Ludovicus XI, Carolus VIII Gibbosus, Ludovicus XII Caroli Aureliani F. Franciscus Valesius I Caroli  
 Comiti Angolimenfis F. Henricus III Valesius, Franciscus III, Carolus IX, Henricus tertius; cui Iacobitæ Mo-  
 nachachi manu obruncato legitimus pronunciatus est Successor *Henricus IV Borbonus*, Antonii Borbonii Ducis  
 Vindocinensis Filius, Rex Navarræ *Galliarum Rex Christianissimus*. Sunt autem Galli alacres & ad arma proni,  
 de quorum bellica virtute operæ pretium est audire Strabonem virum peritissimum, genere Cappadocem, eru-  
 ditione Græcum, judicio priscum, incolatu Comanum, terrarum multorum peragratores. *Universa*, inquit,  
*vario eorum qui Galli nunc & Galatæ appellantur, Martis studio flagrans, animo est strenuo & celeri ad conferenda prælia: Majorum vir-*  
*alioqui mente candida & simplici, & ab improbis moribus abhorrente. Itaque injuria lacescunt: conferti coeunt in certamina a-*  
*perre, nulloque periculi advenendi respectu.* Nemo etiam ignorat quanto fuerit olim Comanis, Græcis & Asiaticis ter-  
 rori Gallorum nomen, quum quondam ab suis sedibus usque ad Appollinem Pythium, atque ad oraculum  
 Orbis Terræ vexandum ac spoliandum profecti sunt: quum Romam ceperunt & incenderunt, Capitolium ob-  
 federunt, urbes in Italia condiderunt, *Mediolanum, Comum, Brixiam, Veronam, Bergomum, Tridentum, Vincentiam:*

Quum